

聖宋名賢五百家播芳大全文粹卷第七十六

婚書

許方進問親書

黃 曾直

誤蒙表言姜脫嘉幣維維維維近者而人伏承承先先輩武庫
五兵名駒千里方上上顯顯繁之助豈伊願願之求求屈元禮之高明及
阿承之小醜著姓多有顧顧衰宗之然然懿親不忘維伯氏之故也
眷逮如此終終詳謂何

回問親書

冠冕同朝素欽材術之美軒裳望族遠辱婚姻之求方屬文拘未
容賓謁行媒荐至不遺菲薄之微合姓見盟猥辱縑細之厚惟茲
弱女行且初筭僅知保傳之嚴未諭嶺繁之重伏承賢子其官箕
裘志業詩書世家以以門闕之賞延
竊幸名黃緣雖甚嘉嘉並下
有行无復異辭允唯
于淇奧義將

求婚書

伏念窺管一斑早欽宗黨之美河潤九里竊頌婚姻之求願惟單
平實愧攀附男其聞詩書逮及有日采蘋蘩猶虛中饋伏承
賢弟幾小娘令德成於保傳善聲發於幽閑屬將有行敢議合好
雖泉水入於淇奧不耻下流而葛藟施于條枚終慙非對謹因媒
氏恭聽嘉音

許姻書

行媒存至合姓見求願弱女之焉依非令人而何俟某人中庠序
之成式從師友而孝文蓋將起家已見立志巾櫛侍於慶閣建及
有行蘿蔓附於喬枝不為无託當承嘉諭寧復異辭

問親書

恭以唐杜望族江湖世家往昔接諸父之遊雍容非一日之雅惟
夙期之不淺是婚對之敢求伏承其人躰二南之風敦四德之教
先兄息某篤當世子之重願虛宗婦之宮輒因行媒用薦嘉禮青

蠅附於驥尾非吾偶之可譏女蘿施於松枝兀衰宗之為幸期於
得請冒真至情

許蕭氏書

耕隴相依仕途借助方欽門第之美遠辱婚姻之求弟幾女能及
縱筭未閑頻藻伏承弟幾齋郎克家能子聞禮興詩葛藟施于條
枚尚疑非對泉水入於淇奧今則有行不獲固辭勉承嘉命

回楊氏定書

某啓名實缺然門地最爾維江湖橘柚之域遠京洛衣冠之遊願
嘗同僚厚規重禮貌是孫女逮茲縱筭弟幾齋郎筮易自於懷綉
芝蘭秀於庭戶上相宗事當求大家猥得附段尋之親恐未勝掃
洒之職申以盟好不皇迂延勉輒拜嘉對越將命

回魏氏書

欽仰風流惟是婚姻之故講修世睦敢申熾婉之求小子遺材不
及中季未聞道猥叨命士方且異宮惟節春秋莫助蘋藻伏承賢

弟三十九娘子教有端緒德成幽閑妾聽行媒之傳肯顧鄙宗之陋謹差穀日恭候玉音

回定書

門單地薄實淺聲浮所通婚姻多出平素賢郎七先輩行義修於鄉黨才華秀於士林枝葉從仙李而來閨閣有英公之舊家弟之女未閑於教僅若而人豈徒頻繫之求乃及菲對之陋伏蒙委以書幣并告之話言泉水流於淇門雖容比義女羅施於松上實愧攀高不獲終辭醜然拜辱

強宗求婚書

孫 仲益

罄三請之勤方慙率尔快一日之雅何貺如之茲者伏承令孫女屬當擇對之年而某小姪強宗適宗契有家之願命龜獻卜執鴈告虔薦食芹之甘靡虞於按劍投斷金之利式佇於報瓊

超宗求婚書

賣昏久矣浸已成風傾蓋歡然莫如求舊式佇肥家之慶敢忘修贄之恭以其長男蚤習箕裘粗聞詩禮偶諸姑擇壻之日亦外家求婦之時眷言啐啄之同茲益綢繆之固抵龜不用投芥而行魯衛親親自同兄弟朱陳世世不替昏姻庶乎相依唇齒之間可以盡索形骸之外

伯宗求婚書

孫 仲益

手足之情鍾本相求於原隰婚姻之好合茲有望於桑榆盍申執鴈之恭永締施松之託某小姪伯宗者屬在諸姑子姓之行而小四甥者實次外家季孟之間應緣兩喜之言奚俟三占之吉視崔盧之門戶亦何足道哉繫魯衛之弟兄固無間然矣

介宗求婚書

訪故冢之劔悼既往之莫追賦束薪之詩度後來之有繼更重綢繆之好盍申燕婉之求伏承令姪女宛如衛女之賢問諸姑於淇水而其中子介宗者端若秦姬之子見舅氏於渭陽固已託孚於葭中更欲施蘿於松上故無失故夫復何求新之又新當自今始

表宗求婚書

仰崇壙之數仞寒温之間缺然締高援於一言宿昔之因審矣喜
深一老光冒表宗此者伏承總幹學士令長女近代名臣之家本
朝循吏之後儒風未泯家法仍存以某舍弟尚書第三男表宗讀
父書尚勤師範敢聯姻婭遂登通德之門屬有姓名已著繫婚之
藉

宏宗求婚書

雞豚同社桑梓交陰蚤締嘉姻更申舊好伏承司理宣教第四令
女簪纓仕族逢掖儒家姐且嘗聞蓬麻自直以某尚書舍弟第四
男宏宗為農為圃方續父苗季礼孝詩尚親師範一言作合兩喜
成和河鯉之求固慙率尔霜鍾之應厥有由然

季益弟女回定包中大啓

三星照戶之光已屆昏姻之候九里漸河之潤實繫動闕之高伏
承某官一鄉之月旦所推大父之風流未遠而某姪女遂依名族以

成表宗坦腹踞床已見出諸郎之右齊眉奉按庶幾事君子之恭

答李氏問親書

孫 仲益

風馬殊方相望於萬里金蘭一氣遂合於兩心發幣來臨占龜有
伏承某官大丞相之後綽有餘風以舍弟女子故將軍之家尚存
素履從方亂矣豈無一事之可依天實為之庶幾百年之偕老

答董舍人問親書

北際南垂迥若參辰之次東傾西應自同針芥之投夫豈偶然適
有天幸伏承某官英妙無窺園之好而某舍弟縣丞長女素風猶
映雪之餘蚤緣草木臭味之同不改風雨晦明之度佩至言於三
復固無磨玷之尤出妙句於五噫共有相春之樂

答王氏問親書

紬書延閣蚤陪駕路鳥之聯窺迹窮閭又玷葭莩之末伏承某人名
駒千里奇產萬金以其舍弟縣丞弟二女方從姆傳閑機杼之工
莫助尊章薦蘋藻之祭不謂好述之意俯循代置之規二姓交歡

敢議參軍之配一門推重孰逾河大之賢

答曾氏問親書

管蒯代價奚俟齊姜之求芹藻可羞宜効野人之獻伏承某官世
曹實江左衣冠之表家聲猶魯國洙泗之餘以其姪女固嘗龔荆
布而僚賤貧可以執箕帚而奉洒掃屬室家之有願式諧鳴鳳之
占繫東萊脩之生曰度遂獲乘龍之喜

答張氏問親書

婚姻好合亦已示年情義綢繆殆如一日固應求舊豈復圖新伏
承令嗣主簿擬鸞鵠之姿而尚棲於枳棘以其舍弟縣丞幼女龔
布荆素而不廢於蒯菅發幣孔嘉貽書甚寵視崔盧一時之望固
已歆然締朱陳二姓之歡永為好也

答婚書

鬪夫子之牆藹有執鞭之慕掃相君之舍尚懷按劍之疑豈謂諸
郎擇對之初不間下走抗塵之賤伏承令嗣學士議論獨守家法文
章已有父風遇郗鑒之客若無視絡秀之家何有代價可矣奚為
食鯉之求何貺如之遂竊乘龍之喜

答婚書

孫 仲益

蚤以父兄獲預俊遊之末晚因童稚又塵姻婭之聯集盛禮於一
門締交期於三世伏承某人眾謂恂恂無子弟之過而其女子自
恐兢兢詒父母之惟重勤慶幣之先適契有家之願莫不代價毋
廢閭官朋之求可與晤言庶乎東池紵麻之漚

求楊氏婚書

一塵同井密依桑梓之陰百尺干霄迥結絲蘿之託伏承某人份
隅鼻祖号略名家世緒相承風流如在如某者窮鄉冷族陋巷諸
生敢懷河鯉之求式佇澗瀕之采望塵瞻若雖同楚越千里之遙
傾蓋歡然遂結朱陳兩家之好

參政姪女回虞守子親書

扮榆同社貌然雞犬之聞羔鴈旅庭端若駉蛩之應遂徼一時之

幸永諧兩姓之歡伏承令嗣某官龍衣父祖箕裘而家法具存以某登仕兄幼女奉尊章之槃悅而婦儀已習榛栗東脩之贄以下男女不敢過焉蘋蘩繡藻之菜可薦王公永為好也

余氏答婚書

婚姻之合有初方軫楚弓之念宿昔之因未改舉欣趙璧之歸族黨交歡里閭替喜伏承某官勳烈名臣之世文章後學之宗眷此春秋鼎盛之時獨見歲寒後凋之操某縣丞弟次女後嗣奉匹之薦庶幾舉按之恭新楚之束綢繆不替青檀之舊琴瑟之鳴和應宜同白首之歸

族妹再通為張丞繼室答婚書

鄭通德之門在坊竊懷附驥之榮傅孝廉之室久虛輒備續貂之乏伏承縣丞宣教漢金張之華曹唐燕許之故家以某云云官冷枕流門寒映雪烏夜啼而二繞眷梁木之何依雉朝雊以雙飛屬商絃之屢叩聘婦有如孟德曜其亦可哉擇對而得温太真豈所望者雖重奪沉舟之守詎敢忘舉按之恭

荅董舍人問親書

孫 仲益

通德門四牡之路莫窺墻仞之高平興淵二龍之鄉幸接州閭之末俯膺大貺重以好辭曲敦久要之情永締歡盟之固伏承令孫承務名駒千里可產萬金乃眷女孫粗閑姆訓謂婚姻之好莫如曾衛之親而聲氣之同奚俟姬姜之貴

荅李氏問婚書

書千佛之名夙忝父兄之契合二姓之喜又塵姻婭之聯重勤緹騎之臨加賁囊書之寵伏承某人蚤聞李詩禮龍襲弓冶之傳以某姪女孫可使奉尊章羞蘋藻之薦乃眷異日游從之好實為一朝附托之因粲然鴈幣之陳過形於襲衮最爾東脩之贄殊異於報瓊

為蔣樞密謝婚書

汪 彥章

名位不侔莫奉齒牙之餘潤婚姻有託幸依肺腑之末光徒久仰

於旌旄尚未瞻於復鳥伏念其倦遊晚節投老餘生回首東隅嗟
桑榆之已逼乞身南畝幸松菊之猶存甘從耒耜於先疇敢望簪
纓之後乘豈謂孫枝之弱質遽聯子舍之榮姻恭惟其官望蓋五
朝李傾萬古豐功偉績幾遍人間崇議欵言屢移天意符竹暫分
於南紀衮衣行慰於東人尚憐范賈之同僚不惜齊鄭之非偶抑
實先君之假寵豈惟末嗣之叨榮自慙屏迹於窮閭殊闕馳牋於
記室鈴齋旅進已難勉於衰蹤崑石具瞻果俯同於輿頌

與徐太宰求婚書

夫婦有經周禮莫嚴於判合婚姻尚族衛詩偏叙於宗親輒忘憑
藉之微仰恃游從之舊其第幾姪其從師有日授室及時伏承賢
姪女第幾小娘子相胄高華姆儀姆習幸聞名於下執許徵福於
先公門地非侔雖培塿本無松栢宗祊有慶庶溪共採於蘋蘩有
少定儀具如別錄

代韓尚書孫聘王氏婚書

呂伯恭

講雉游於群從蚤接因馮圖嘉耦於諸孫肇修幣聘載蠲吉日用
展多儀云云官學載初及茲授室伏承云云德容參劭協此宜家
奕奕梁山頤自慙於樂土湯湯淮水幸將挹於慶源用韓奕及王
家事淮水湯
湯二姓之合於禮為嘉五兩之陳其儀則舊

代叔秀倅回李氏定書

百年門戶各保家聲二姓婚姻共敦先契其位長女順承之道隸
習未閑伏承某人英妙之稱發聞惟舊既奉道言之固敢稽報聘
之修有若請康以來非無雅素其自葉公而下莫不寵嘉

定芮司業女

合父兄師友之契疇若高門聯婚姻甥舅之親敢於他族問姓名
之始在禮有初某緒論與聞曾侍漸摩之舊令女素風不改諒惟
淡泊之安永愧諸生自在西河之上尚蘄季女肯來南澗之濱

回潘氏定婚書

游從再世既彼此之具知講肄十年亦往來之無間迨聞嘉命其

敢固辭令弟茂才種學之初方求內助某女及笄之始未習婦儀志尚有加可使效饁田之役進脩或怠猶能獻斷織之規

代先君通曾氏定婚書

蠲豆籩之薦聿修宗事之嚴躬井田之勞尚賴素風之舊既令龜而協吉將奠鴈以告虔敬致微誠願聞嘉命

代叔知府回李主簿定書

北望中原慨想故家之律度南來江國獲依名勝之風流苟可合二姓之歡何必有一日之雅文章議論固已不凡某女婉婉聽從粗謹所職有來玉帛之禮式陳榛栗之儀師友淵源之功知所自矣夫婦倡隨之義將有賴焉

長女適練貢士

熊子復

藐茲若人儀未閑於蘋藻籍其猶子譽早著於芝蘭既諧鳴鳳之占猥辱雙魚之素仍申厚意詎敢深辭伏念某之長女粗習婦功曷勝於箕帚恭承知縣令姪力傳家學已試於膠庠比因柯斧之媒遂成葭玉之契門墻伊邇寓居雖共於城闔風雨弗渝嘉會定期於京口不腆回幣具于別牋

次女適王祕讀書

續大家之訓顧息女之未能讀東觀之書羨名郎之有立緣會集一言之作戲偶諧和二姓以成歡其次女妙恭弱質幽間第守華門之陋伏承令嗣祕讀妙齡秀發蚤參蓬閣之華猥承致於鴈儀豈待稽於鳳卜寮同三館雖序齒之絕殊宴共一樽尚論文之相益

回禮書

張全真

伏以世傳鼎軸夙仰帝平之門好結絲蘿慙非秦晉之匹屢勤敦諭不敢固辭伏惟某人秀發天資美由世濟而息女某人維遵姆訓未習婦容辱豈報幣之相先揆寒宗而有醜玉臺下聘獲窺溫嶠之風流竹筥遣行第媿叔鸞鳥之清素有少薄物具別牋

回禮書

言念禮本為昏是為萬世之始人惟求舊實交二姓之歡存厚好
速欽承高誼某第幾女含飴鍾愛粗聞女識之辭伏承某人第幾
男禁繹稱珍鳳謁士林之望襲吉占於鳴鳳追妙與於乘龍嘉命
難違欣悰增激

定親書

言念頤聽月評稔聞風范辱在美仁之契宜先嘉偶之求某第幾
男少習義方粗供子職伏承令長女小娘子幼閑內則克著婦儀
敢因媒妁之詞遂締婚姻之好仰遵慈訓欽佇好音

定親書

言念二姓之好蓋重於婚姻四海之人孰非於兄弟唯是贅居之
俗出乎霸世之餘然義士罔或非之故流風猶有在者某姪某驕
孤自奮結約忘奇幾同蜀客之倦遊屢嘆馮生之無室伏承令女
幽閑秉節孝養騰芳待異缺以如賓諒此諧素志嗣中郎而傳業
豈廢初心敢託良媒願聞嘉命

繫臂書

江 程萬

字浹風霜坐愧傳家之術業名知草木夙欽奕世之聲猷茲實出
於彙緣得遂伸於盟好恭惟親家將使團練令女小娘子早閑姆
訓式宜許嫁之前筭而某姪孫某粗涉儒流行且成人而及冠肆
媒斧之得請協占鳳之告從感佩之誠敷宣奚罄有少微幣錄在
別牋

答求親書

歐陽 彥成

雞犬相聞多被親仁之德絲蘿有託敢辭嫵媿之求過蒙鴈幣之
勤式協鳳占之兆仰攀高援卓哉韓樂之邦退省寒門曾非齊大
之偶敷宣罔既感佩良多

送定書

吳 元及

勤水寒鄉浪繼延陵之禮樂童山名族聿修常侍之公忠偶緣冰
上人執斧以伐新默契月下老結繩而繫足卜吉已協鴈占
禮不可虛用伸鴈幣有少儀物具載別牋專狀啓聞伏惟炤察

送定書

江元吉

居縣里閉聲華未齒於崔盧執隔崇卑匹敵敢當於秦晉豈意詣
占於得鳳遽聞曰且慶於乘龍伏承穎川太中學士令女小娘順多
儀福裝已結小姪庭諄雖篤姻座未升偶資齊麩之和遂致楚蘿
之美諒匪素知之可取方期辭大以圖安深念黃緣預告休於月
老成茲嘉會爰有兆於冰人雖曲禮之三千隆於合好湏純白之
五兩用以將誠謹列數陳殊增悚愧

送定書

歐彥成

里閭甚迹雞犬相聞惟聲氣之稍同故婚姻之敢議某以第幾男
某年將踰冠中饋尚虛伏承太原親家小娘子姆訓素敦婦儀夙
著既荷鳳占之諾用伸鴈奠之儀有篋箱委於庭下謹奉狀上聞
伏惟煇察

送定書

粉榆甚迹鳴未隔於一牛草木本同饋因通於雙鯉不棄綿綿之賦
頤歌灼灼之挑某以某中饋久虛莫偕奉禮伏承令女小娘內則
素習且遂有家謹卜良辰用伸言定有少誠幣具在別牋

送定書

族系延陵常恨孔門之未振望高潁水每欽虞候之克昌方愧忝
於眷開敢希聯於姻契况小男未能用於文史而今女已悉喻於
訓章豈非小鄭之資獲奉大齊之偶二姓合好重諾奚啻於千金
六禮內成入幣庸遵於五緡式消穀且躬致微儀

回定書

恭伯封吳族氣久淪於叔莫混元拍李仙源猶襲其芬芳合一姓
以親成結百年之眷愛恭惟某人長孫學詩學禮早通六藝之文
某季女無非無儀素稔十箴之訓既蒙采菲固願依松契彼鳳占
卜去其吉粲然鴈幣敢不拜嘉

請媒書

江元吉

絲蘿弱質倚喬松而遂高蚊蚋微軀附良驥而能遠不媿蓬茅之

陋輒攀謁閱之崇伏惟穎川太中學士令姪小娘夙親姆訓素著
德容切睹椒花之頌詞復觀桃源之宴遇念礼行於漢莫重知名
而官設於周尤敦判令尚期金石與結鴛鴦

請媒書

引線因針言聞信史伐柯匪斧詠播風人事儻藉於畜緣理必資
於介紹某以第幾男某方從外從外傳未上嘉姻伏聞某人第幾
小娘子令德中淳婉容外淑早佩閨門之訓素閑蘋藻之儀欲結
潘楊二姓之歡必假媒妁一言之重輒干將命恭俟報音謹啟

請媒書

伐柯須斧引線因針若匪千金之言曷結二姓之好恭惟媒氏八
安人蕙蘭育質冰雪流芳早歸詩禮之家夙擅閨房之秀某小姪
某雖逾壯室未克成家伏承某官十娘子綽著婦儀夙遵姆訓既
四德之兼備諒五長之可稱敢以衰宗仰攀高援謹具啓以聞伏
惟昭察

婚書

聚星舊族槐閣閱之已零觀樂名家想風流之尚在輒緣鄉里之
好得議婚姻之求某以小姪學生某雖詩書之粗聞素蘋藪系之
助伏承令姪小娘子婉容外淑懿行中純吉既協於鳳占禮用伸
於鴈莫有少禮幣具字別牋

婚書

居連一舍豈殊桑梓之陰心同一人雅契金蘭之好慶畜緣之有
自願欣幸之何多 素閑姆訓無非無儀 早就師模克岐克嶷
正三星未在於戶適慈水肯流於淇禮云禮云爰奉絲綸之五綉
樂只樂只永堅盟誓之百年

婚書

一從攀附既叨鄰燭之分豈料畜緣申以秦婚之好雖金蘭之雅
重視珠玉以增羞某長孫某碌碌無長祗循弓冶伏承某官令女
小娘喧喧騰騰與言獨秀閨房薛已藉於寒脩諾况蒙於季布卜去其

吉因無俟於抵龜禮不可虛曷敢志於進鴈謹奉啓以聞

婚書

標有梅詩人所詠欲男女之及時感其輔易卦之辭重剛柔之相感其幾男其學詩學禮粗守師模而今女小娘采藻采蘋夙承姆訓今早聯於親契願遂結於華姻媒妁通誠既欽冰於重諾金蘭講好庶無負於其衷心輒有薄儀裁于別幅

婚書

聲名無似已斷曲逆之長貧緣契有開復謂治長之可妻重眷絲蘿之結益增瓜葛之榮喜托冰清愧非宅相某長孫某年踰志幸逢數系足之老人伏承令孫小娘思妙組文許射畫屏之雀目聯親實雀目講好惟新二人素荷於同心兩喜無煩於溢美念信者言之瑞當不食言雖禮者幣之將當先納幣用陳菲薄庶表悃悃

婚書

梅花示信嶺頭通交好之誠桐葉題詩樓角記合歡之事納綵雖由於邂逅牽絲尤屬於夤緣伏承其人夙整閨儀詞正工於詠雪其男粗遵庭訓才莫擅於凌雲偶逢柯斧之良幸締蘭金之好射雀謾誇於有中委禽切愧於無儀未具鑑臺曷追攀於温嶠難尋玉杵敢希異於雲英深蒙季諾之曲從直指于門而微貢紅綰既急猶嫌上釣之遲青瑣雖遙尚想遺香之近

聖宋名賢五百家播芳大全文粹卷第七十六

聖宋名賢五百家播芳大全文粹卷第七十七

生辰賦頌

上文師壽山賦

副墨之子游於搖蕩之塗適夫輻輳之寓崇山巍巍平原臚臚仰觀
形勢之嵯峨俯屬品彙之繁蕪休心駭神悸莫能殫所以適遇諸先
生而問之曰此何境也試爲我言其崖略先生曰唯唯子獨不聞
有所謂壽山者乎夫壽山之境也從龍嶸嶸嶸嶸嶸嶸盤紆旁接軒轅
之土壤下臨汪氏之龍魚周回廣袤曾不知其幾千里徒見夫南
極起軫六度有星揚輝而燦燦者正昭乎其墟瑰琦崑閬巍躡蓬
壺丹丘峭崿以連鎮天封屹崿而扶輿上平行而廣莫下峭崿而
崎嶇瑤花燭燭濱其隈丹綵綵以滸寫其隅湯邪之泉比必湧而甍
滴青岑之封以涓涓而漱珠其植物則圓丘之竒木鍾山之靈靈之木
椿擢幹而尊尊蟠桃結實而齒齒朱桂折莖而黝黝樵丹莖布葉而
芳菲鬱鬱根莖之萬種常從負幹而歲甦其動物則有游蓮之龜棲松

之鶴靈鳥堤堤而三尺瑞麟彬彬而一角琴高赤鯉漾波而潑潑
女僊白鹿走壙而濯濯奇毛翼羽之濱紛充物林巒之繇邈其藥
物則有抱熾之砂郁赫之蜜石芝之流英玉膏之溼液昌永練色
之蓬壘安期固形之五石集詭類之環竒想神農之未識其間則
有銀臺金闕石室靈宮文字業業而切漢飛欄轍轍而凌空視倒
影之欽列浮蟻蟻之蒙龍游其門者蹤希乎二老憇其館者齒遇
乎五龍吞回松之倚雍容於其廡千歲之孫孩嬉於其中吾子果亦
有意窺其深淵離而一觀乎於是相與排玉戶颺金鋪開珠閣對綺
踈偶列直之畢集獲疑睇以躊躇莫不策靈壽之杖據不死之床
復阜鄉之烏居白蜺之堂或眉連而長睛或目方而父視或煉形
而有常或變色而无止或掌摩平銅人或玄生堯之丙子襍灑羽
衣闖然填委名氏安能以周知僅識數人而已迺揖副墨子遙指
而告曰彼熱然被髮而立於獨者老聃也彼曷然戴勝而濟万世
者西王母也彼千二百歲而形不衰者廣成子也彼上及有虞下及

五伯者彭祖也彼色若孺子者女偶也彼形若處子者貌姑射之
神人也中有一人焉德宇晬穆道貌軒昂氣王温而郁郁骨山峙
而堂堂服袞冕曳綉裳執植圭佩玉章溢朱顏而不老指仙客而
徜徉者吾子亦曾識之乎副墨子竦然而觀粲然而笑曰此非吾
皇祐太師相公欤何其出類拔萃那敢問太師遊遨於此而不厭
者豈无得而然哉先生曰亦知其故歟副墨子曰我其意者水虎
火龍交結乎廣廷之宮七還九返而葆其真乎奔日餘圓光輝五
色噤噤日久而光其神乎名標天臺人天環仰遊於紗籠之邃逾
久而逾新乎先生曰此亦何足為太師道夫太師之德業大矣美
矣孰窮其源高矣遠矣孰議其將如山之峻如地之方如海之量
如雲之章乘半千之連依日月之光作傳說之霖雨全姬公之斧
斨運機衡於掌握制四海於一堂慧皇明於旁燭增光烈以焜煌
放黜鬼瑣登崇俊良禮樂著法度彰刑罰措紀綱張仁漸義摩春
雨秋霜學校如林絃誦洋洋拯哀於无告溱編澤於渺茫視一

夫之失所如已納之於隍亦畏威而懷德四海奠枕而皇皇英華淳沉洋溢八荒鞏邦基於磐石之固延皇祚於箕翼之長且神靈之扶擁歷千載之彌康永安寧於祉福與國祚而無疆所以游茲山而放曠亘古今而有常者矣厥有儒林丈人適聞其語輒然而笑曰然則然矣豈究其所以然哉顧顧然敬焉履履然請願聞至論以祛不敏丈人不荅俄而歌曰壽山高兮壽山深兮瑣青春中有人兮契天真探希夷兮復崑崙超九有兮揭乾坤造化兮如轉輪月在天兮照无垠閱万世兮湛然存於是三人意徹心通眼如發蒙曰而今後乃知太師經邦之勲業執國之公忠膺濟川之大任致續紹之隆功有如宸章之所襲別而旌寵者特一戲之從容而膏中落落洒然无累本恬淡而真空相與再拜而趨出誓時瞻詠无窮

上蘇國博生日頌

申甫之生有神降焉昂宿誕祥佑漢以隆山川星緯是生俊雄爲國梁楹克成厥功豈伊當年與天無窮東閩之秀擅于壺公水遶其躔瑞氣鬱鬱忽挺生哲人斗杓欲東和氣先春日星顯融哲人維何鼎角方瞳妙齡媚李六藝旁通摛爲錦綉万丈晴虹曳裾載長自芹徂維屢以文鳴声滿寰中 帝曰膠庠巨容闡昔擢公作師爲万儒宗崇寧改季四海爲宮○帝曰淮壻疇撫其封藉公鎮臨啓昏揭蒙棣萼相輝親顏尚紅跨浙東西川媚山彤州一十四秀竒所鍾自公鼎來字順文公曰士曰尚曰工曰農亦被公澤不謀歡同慶誕之辰和氣塞充有祥者煙有清者風億万羽翎飄然碧空沉篆飛裴瑞靄瀟灑士詠民謠厥聲載鴻祝公之壽則椿則松期公之位則槐則桐望公之名則夔則龍爰自中華澤被羌戎小儒作頌以畀伶工

詩五言長篇

賀 皇太子生辰

揚 万里

寒外乾坤淨霜前殿閣新如何震一索頓有月重輪甲觀堂初晝

青宮榜更銀三天同日曉一氣八荒春東序縉周學南陽摘漢親
承祧英類祖問寢孝通神帝子臨京邑潘察著野人天將重九節
瑞應誕弥辰萸菊雙為壽山河總效珍前星環紫極長照漆園椿

上富樞密生辰

盈數知良月初絃耿素蟾慶門傳鶴質佳夢協熊占樞府高籌策
琳宮養粹恬賓筵飛玉容書架秩牙籤盛德三朝老元勳四海瞻
佇公歸袞綉赤烏尚蒼髯

上范左丞生辰

皇統開堯曆千齡景運符應期須聖耦命世得真儒器量江河闊
精神岱華孤風雲親際遇廊廟動都俞俊又來英選乾坤入化樞
賡歌歸稷禹善政致唐虞真叶氣連天宇驩聲浹海隅設施惟土苴
品物自華胥下客慙踈鈍趨風舊指呼塵埃嗟末路欵段笑窮途
未試饑鷹搏誰怜守兔株大釣糠粃物早晚覩亨衢

賀陳右司生辰

韓

子蒼

悠悠大塊間乃類紛相敵偉哉拔俗人真宰豈無力六經陷邪說
諸儒共一律天未喪斯文公生抱絕識著書羅古今射策開曾臆
前輩幾欲盡後來昧所適天將激頽波公生秉孤直數諫難居巾
三已無愠色海宇屬無虞天工或曠職天寶佑皇帝公生縕竒德
培擁棟梁安一旦壯王國禁網雖小寬放俗未全逸天惟念我民
公生富才術發揚雲雨勢諸方待膏澤天既責公深負壽夫何惜
行看佩相印不羨登仙籍南山雅望重北斗威聲赫真生固難朽
吐納自不息惟昔軒冕徒尤喜山林跡留侯追赤松志就亦何益
傳說為列星但已脫寰域孰知戚公貴與國長無極

上辛太尉

昭代群龍用名家奕世昌儲精生輔佐挺秀誕忠良郁郁充閭瑞
熒熒昭室祥蓮花雄址峻竹筵前慶源長碩德宜廊廟英才合棟梁
公清凌灝氣嚴肅厲秋霜寶運符千載威名賸八荒星波吞玉海
言派瀉銀潢功業翬章顯謀猷棟宇方檢身金井契落節翠螭驤

列郡依仁牧千英服智囊精忠禪上聖膏澤致時康鄧禹重興漢
汾陽再造唐公心平國是勳力振朝綱斧鉞安南服威稜振北疆
溫恭謙節著仁惠德風揚獄鳥獲金昆盛貌狝虎旅強望風辟印綬
當路悚豺狼電掃除妖孽雷驅息叛亡一心仁以厚五福壽而臧
論議留書簡勳庸紀太常鴻恩非易報盛德固難忘便合持樞極
那容著海鄉莊椿祈不老遼鶴竚來翔願向中書府年年薦壽觴

上丘漕使

淮海鍾神秀逢時出偉人能罷符吉夢弧矢記住辰瑞世儀丹鳳
占祥得石麟心田平若砥學海闊無津道任阿衡重儒傳孟氏醇
雄文追灑噩雅意蘊經綸大策登高第英名動縉紳含香登粉署
畫諾擁朱輪畫戟聲稱遠星軺寵數頻一時推厚德列郡仰深仁
稟此殊恩近官黃詔墨新風雲看際會郎廟喜同恩雲時年畫段紋細
香蓮露臉勺願虞難老頽閱歲等莊椿

上鮮于使君

惟昔高堂夢能罷力苦占氣鍾西蜀秀時應仲秋嚴江漢揮犀尾
風雲起筆尖微辭追屈宋精義到黃炎操復森寒栢名聲耿夜蟾
擊強鵬鷲健治劇鸛鶴銛使者旌旄易將軍印綬添鴛鴦隨步武
虎豹入韜鈴錦覆郎官被彤垂太守襟兩行分密炬十里上珠簾
禮上帝懸榻誅姦忽奮舞兩堂昏絳帳風帙亂牙籤銀漢星初煥
金空露已霑歡聲連北固壽邑更東漸麗句充文几奇香溢玉奩
簪紳五福具罇俎四難兼賤子真殊幸清標獲屢屢覘誤蒙彫朽木
猥辱畫無鹽嘉運方此洽英材豈滯淹佇公歸法從斯道慰民瞻

上鍾太守

道在軒維出時平稷契生荆山分秀整金氣與高明石磻落難藏器
崢嶸易得宏才須視草大手本調羹欲賦龍驤遠方看鳳翥橫
海門迎五馬桂嶺換雙旌漸許合香侍寧為剖竹行悠悠真任物
擾擾不關情札有十行賜政應期月成風流前輩似文彩後來傾
日月開黃道雲煙煥赤城還朝充柱石與世作權衡仙果千年實

洪濤幾度清於公一俯仰几杖表餘榮

上趙倅

世偶千齡運皇圖永紹休天方祚堯舜家自產伊周戰路炎風轉
孤門喜氣浮九苞惟得鳳三日已窺牛祖膝綿瓜畎親庭結冕旒
朱轡資佐理黃屋至得分憂白賀才名遠毛原德業優維城流雅詠
戲綵播民謳暫出丞侯度行歸炳帝猷職當調玉鉉名已覆金甌
甲第開華日瓊筵盛薦羞寶釵八樂隊珠履羣賓游龜鶴齊稱壽
觥船迺獻酬後天長不老仙袂拍浮丘

五言八句

上何太宰 二首

斗杓西揭柄南呂已飛灰芝室占熊夢蓬山挺梓材世欣金雉鳥見
人慶玉麟來天意非難料行看位上台

皇穹符寶運嵩嶽降真賢明月中秋後黃花九日前潭潭新紫府
疊疊真崔嵬且隨遐想雲椿慶春秋合幾年

上盧運使 必得其壽為韻 四首

有玉山自輝無靈蟲木不疾人心渺難測天理坐可必我公仁者靜
壽詩骨已峭律豈比山澤儒辛苦餌芝朮

千載一生賢嘉會不易得自從懸矢弧稱願傾一國紫芝眉宇秀
見者總歸德正如舜弦風一鼓解慍色

袖有調元手原使江之湄雅懷兼三王起問夜何其行當發餘蘊
陶鑄皇與範功成格上帝黃髮齒復兒

春風桃李花結實老火候桃李初不言人迹自奔走恭惟大雅姿
篤實謝雕鏤使之立本朝一世可仁壽

七言長篇

上高樞密

嘗聞鄭公聲迹留契丹忠義肝膽人所難生民莫識兵革回坐令
中國如石盤英靈鍾稟固有異端拜而議獨膽寒在天景星地朱
草無乃嘉瑞之鬱鬱蟠鄭公遺範後必大飛木架學馨苑蘭朝廷搜

獵不待次樞柄足辦談笑間幸今天下已安帖夢寐聊以寄東山
小春桃花破紅萼和氣簾幕風輕翻降嵩孕昂掩周漢酒不血齧
香初闌復聞五福一曰壽但願膺此比鶴鸞鳥堅隨環刃歸林密發
揮事業安鹿裘

上司空

君不見玉皇殿上麒麟兒掣開金鎖馳如飛紫府洞中尋不見人
間輕跳何之奇又不見越王臺上真仙島簇簇靈光如談火驪龍
騰踏上天池透出月明珠一顆似此嘉祥世希有今朝放入賢侯
手長庚應向夢中來還信崧神重占不吝欲知仁政多陰騭瑞氣融
融靄春日廣寒宮裏舊靈根昨夜新枝抽第一

上陳龍圖

參差鴛瓦對清霜王虬薦瑞初騰驤三山一夜應圖識曉來沙磧
堪寒棠瑩煌戟之掛弧矢瑞氣風盤結霞綺帝令來作金鼎和
得寒梅雪香息紫清神照座如神山宿宿揮翰傾河源杜詩韓筆繼
騷雅鳳隨鸞鳥膠家世傳皇皇纓駉耀鄉國春逐霜蹄滿南陌禁城
龍閣儼圖書班近天顏還咫尺泥書細札九天飛好看錦衣蒙袞
知亨時得路方平坦沙堤榮錯黃金羈年年愛日回南陸慶壽時增
庭照蘭玉南極仙翁識姓名星官曾見刊瓊錄

上丘郎中

琅琊萃律神仙居雲中縹緲飛雙鳧玉皇虛席求直儒翱翔万里
朝皇都金門待詔登公車彤墀耿耿據良謨籠光乙覽升榮途握
蘭華省歲去徂下憐民物來割符寬即不猛鞭用蒲薰陶一味清
和敷報政常聞帝曰俞要令仁風及海隅光華玉節後來蘇黃童
白叟爭歡呼不須輓粟更飛芻已見牟曲豆樂有餘玉宇風清化日
舒寶爐煙裊處垂弧馮誰為我倩麻姑灑金波倒玉壺願君不
老八千歲何啻二十四考居中書

上丘漕使

全蜀自昔稱遐封師帥承流昏澤通嚴宸軫慮文軌同綉衣榮遣

宣仁風思皇儲精動上穹炎正重開神降崧天姿有道和氣融許
國純誠嘉且忠暫借經綸粉省中轄軒一動疎疲瘞詔書誕布恩
尾洪窮谷瀕川靡不蒙取予轉輸公帑充歛匪加民用度曲長樂育
菁莪泮水宮青衿咸仰百川東欽哉美意奉淵衷多取平反因囿
空若利全歸幹制功良法通商來往憧疊組重龜問望隆誦有興
人謠有童但聞載塗祝我公遐齡實惠俱無窮

上漕使

於皇聖運齊中興地應嶽瀆天垂星儲精韞異一發越中和備躰
生音英清淮無波萬籟肅纖雲四卷澄冰玉熏風庭院倏經秋長
庚入夢祥光燭童年氣韻已不群四座愕視天麒麟闌筋勁翻翔
万里蓬山錦帳皆彌綸五袴興謠溢三郡均泰東甌漸澤潤褰帟
便使八州清光華併管三司峻高懷遠俗星斗寒偉度照人雲夢
寬刑清財阜治尤最天語璿題永不刊夜觀三極三台上玉節光
芒亦天仗浮丘自是地行仙天遣龍助君相仲舒簡古帝所思

弱翁治行已深知粉澤典章混文軌燕許大手非公誰維南不為
承恩祝直為蒼生並蒙福致君堯舜億千齡頌聲徧寫南山竹

上王太守

碧落仙家瓊樹枝傳芳何處慶雲低人間鳳曆將移朔天上瑤光欲
轉西丹穴巢空塞瑞異渥注波漲奮霜蹄堂堂風骨端如岳凜凜
神姿秀入空此紫殿文章驚獨步黃金名字最先題袖將蟾宮三春
桂踏盡雲頭萬級梯北闕一麾新出守南州五馬總驕嘶鈴齋玉
鹿清談笑宴館金花貼鼓鼙詩談迸騰昏日月酒觴沉困吸虹蜺
未能度嶺尋真去直欲枯潭覓劍携千里暫煩傾皂蓋九重終看
步沙堤吏情何以爲公頌祇賦嵩高與壽齊

上傅守集句

于公向日多陰德司馬君實扶持自是神明力積善衮衮生公侯
神仙中人不易得並杜甫此夜長天降瑞星杜光庭賢佐乘時爲
國生朱元山秋水爲神王爲骨杜甫士林皆賀振佳聲劉禹錫申

伯默諸嵩異氣元山玉山照人光彩異魯三山北斗以南能幾人

秦少游風塵外物巖廊坐三山公之才業天下奇三山照山生玉

水生犀歐陽永叔公稟英靈真間出三山氣象往往干雲霓永叔

謝安昔為蒼生起陳元老文彩風流今尚尔黃魯直太學名華入

紫宸元老妙年歷落青雲士李太白麟臺公監舊仙郎禹錫小郡

何煩鳳翼張元老詔書擢守二千石魯直緹騎千里照路旁禹錫

朝廷清明天子聖永叔下車先使姁豪靜三山玉麟春踏武陽花

元老年豐千里無夜警永叔金章紫綬照青春杜甫儉節清名絕

世倫鄉間禮遜已成俗永叔樽俎談笑多嘉賓永叔歌詠琅琅振

金石風生万里華晉國三江坐令白日生春輝石敏若長與聖朝

恢壽域元老一不盃相屬時初冬蘇子由正在乾坤和氣中敏若感

君生日遙稱壽蘇東坡百歲須齊衛武公杜牧之使君高誼驅今

古杜甫歲之早兮待公兩三山九重明主正思賢孫明復吾君英

睿超光武王介甫黿殿沉沉玉鎖關元老壽星元在瑱胥間三山

黃閣此行膺大任明復抵對吟詠祝南山杜光庭

上黃倅

群陰剥盡陽方回石麟應期天上來盡鍾粹美入風骨餘妍散向

江頭梅花花冷灑排風雪相映姿韻俱瓊瑰會將風味歸鼎鼐均

調正屬經綸才令晨祝頌喧瑤席共把梅花壽千百願公長與此

花枝歲歲相逢無紀極

七言八句

上太師公相并序十首

某頓首百拜上啓切以道欲興周嵩岳遂生於申伯運將啓

漢昂星爰降於鄒侯眷我聖朝起茲人傑偶垂弧之盛且屬

偃革之昌期天祐賢生時為國賀恭惟太師公相明堂一

柱滄海六鰲儲二水之英姿稟三山之秀氣抗義不屈同杵

曰之立孤仗節言旋邁子卿之出使大講一時之利爰交二

國之歡返駟馭以慈寧天顏有喜收太阿而密宥兵柄難

搖興禮樂而備俗於中和設庠序而域民於禮義是宜帝開
國承家之寵膺加地進律之恩錫甲第以安居在屬車之臨
顧凡茲偉觀足為美談某舊出陶鎔遠瞻墻仞攀鱗附驥際
休運之半千滌硯薰毫頌大功之數十仰祈椿筭愧瀆鈞嚴
某下情無任悚懼之至 某 頓首百拜上

地靈人傑產忠良瑞靄龍蟠虎踞鄉天欲中興神降岳世將嘉靖
弼生商和羹早報梅花信壽酒先飛栢葉觴笑指山南成帶礪厓
眉與國等綿長

運鍾百六擾神州國祚當時劇贅旂獨藉奇材支大厦允資巨力
障橫流嘯呼左袒安劉氏拍顧南冠執紱楚囚整頓乾坤康濟了千
齡翊宋永同休

揚眉吐氣快生風万里歸來虜帳中竭節任公營大計解紛排難
激丹衷只憑忠信行蠻貊遂使聲名等岱崧一德一心天所祐定
知福壽享無窮

交歡隣國獨推誠不顧流言斷必行直欲生靈躋壽域聊將千舞
解平城坐扶國祚齊箕翼立挽天河洗甲兵和議一成夷夏福蒼
生擊壤永昇平

談笑能令國勢疆一時忠義凜秋霜挽回驪馭還長樂直把鴻勳
紀太常間寢東朝宮殿曉來庭北使塞垣長輔成孝悌光寰宇竹
帛仍傳万世芳

跋危驕矜勢糾紛兵威不戢定將焚權歸宥密消兵釁力掃撥搶
息侵氛鴻劔將軍休畫策捧觴都護罷論勳四方廓廓無餘事咸
仰伊周輔聖君

偃伯靈臺條駉昏太平有象更何言百神禋祀承天貺万里調元
識帝尊復見漢儀難並舉請觀周樂足同論秉鈞當軸誠知躡坐
使先王道滿門

騎塏蒙蒙一洗空恢崇儒館闡文風正當世祖投戈際遠邁元和
沸鼎中坐遣車書同万里行看冠蓋襲諸戎我公勲業追王佐豈

比區區頌泮宮

勤勞王室見周公報賜宜膺曲阜封北見維秦符佐命祥開有魏
慶疇庸申加并賦恩方洽倍衍圭腴賞正濃一德君臣千載遇九
州四海仰雲龍

手扶日月補圓穹錫第庸旌再造功樂奏鈞天迎騎擁詩歌湛露
宴堂曲豆屬車臨幸龍顏喜按宅飛升帝曉隆燕雀非惟依托計華
夷億萬賴帡幪

上太師公相

就駕嶺云何錫杖飛漢家社稷要扶持衣衣人共尊姬旦木鐸天將
以仲尼億方生靈俱再造百千壽考復奚疑欲枯滄海濡秋兔來
寫門生獻壽詩

上蔡太師 四首

五百年來間氣鍾堂堂皎月衆星中鈞陶四海規模大心膂三朝
躋見隆壽軒杖持尊黃髮老衣重拜黑頭翁彭耒豈足為遐筭直

與升平到不窮

燕雀同欣大厦成公歸何處不懽聲全將和氣還群物不放纖塵
點太清人指靈椿期壽考天將神鼎待功名誕辰正得三陽節已
與東君助發生

君王正殿壓金釐一品師臣侍赭袍万世規模神鼎固八年勲業
太山高崇寧樞筦聯鶴翼大觀蓬山擢鳳毛介壽幾何詞謾費為
公仙谷問蟠桃

天遣飛仙下九州擬倫慎勿漢唐求他年呂望應黃髮今日周公
尚黑頭夾輔元勳歸玉鉉太平餘事入銀鈞慶河一派蒲陽水長
遶壺山袞交流

上杜相公

宋 景文

調元罷後久忘機三見東山拜詔時言在典謨經舜問規留廊廟
許曹隨人間歲月尊黃髮方外謳謠讀紫芝舉酒祝公千万壽道
遙長與赤松期

上蔡大師

南有壺山壓七閩慶門高對此山青時臨元日前三日天與中階
第一星華衣召歸資大政彩毫分得續群經陋儒不與稱觴列聊
假巴辭祝壽齡

上曾相公

翼戴三朝冕有蟬歸來今作地行仙且開金闕蕭何第未泛江湖
范豸船老境已隣周呂尚慶門方似漢韋賢一杯不足為公壽願
賦長鯨吸百川

上張樞密

崧岳重生甫及申立朝風采正青春能罷五十年前夢龜鶴三千
歲後身胡地寂無南牧馬桂林新有北歸人黃封賜酒堪為壽願
頌莊周上古椿

上富樞密

寒色瞳矓曉色開五雲葱蒨情護三云口蒼君弓密起中興運華閔重興
上相才凜凜風儀岳嶽鳥族翩翩羽杖下蓬萊隱然方卷蟠曾億應
作前身孔孟來

上富樞密

夢燕鳥當年勝夢能凜然申伯誕喬松素韻成筭無遺策密養沉機
紀大功暫許身從赤松子會須人看黑頭公且將它日經綸志燕
處包含道經籍中

上何太宰

却數中秋已過旬老君親送石麒麟力侔二氣文詞重迥繼諸公
德業醇論道他年要黃髮看公仍世翰洪鈞泰山如礪河如帶到
此猶為劔履臣

上何太宰

河嶽靈神擁瑞來劔川一夜起雲雷祥風破膈吹灰篆和氣先春
報砌槐龍邸久膺心猿託金甌終為姓名開年年已與梅花約長
借清香入壽盃

上余太宰

瑞挺真儒翊聖時，瀉山秀氣育丰規。
慶符昌運千齡會，前應中秋十日期。
天上光連奎昴宿，人間身占鳳凰池。
粉榆暫領萊苗旨，寄榮誕衣冠祝壽眉。

上丘運使

四首

天遣浮丘侍玉皇，要將煩暑變清涼。
郎星已瑩冰壺操，使節重分月斧光。
肯羨薰風書殿壁，行看藜杖照文房。
明年慶席風光列，縹緲鈞天賜壽觴。

清淮繚繞向清河，中有真仙積慶多。
西國玉枝家世龍衣霸，陵銅狄手長摩。
功名本自歸談笑，壽考何勞著詠歌。
行直豈容辰清夜，宿共驚鴻運燭認鳴珂。

堂堂英表典刑存，知是營丘幾世孫。
已擅文章追逸軌，肯教勳業負華門。
三槐終對黃扉榻，六節聊憑錦使轡。
更有人間真樂在，滿庭蘭玉秀而溫。

槐高日永訟庭空，獨弄朱絃奏古風。
趙客無心惟守壁，越人何事欲彎弓。
弓鑑分妍醜，知無垢水燭鬚眉。
賴至公造化從茲寧，待祝頑金已寄大爐中。

上李侍郎二首

整頓乾坤得巨賢，昂精間氣動星躔。
清秋屆候逾旬日，景運儲休恰半千。
蟾苑少年為上客，鳳池指日作真仙。
椿松好借為公壽，勁節英姿獨凜然。

天意追還治古風，挺生賢佐振休功。
將令禹迹山川內，盡在周公井牧中。
德業喧騰歌衆口，勳庸簡著在宸衷。
仰祈戩穀將何比，地久天長與國同。

上吳監務

五爽黃閨十月天，出門洗眼看星躔。
儲精昴宿蕭丞相，入夢長庚李謫仙。
雀舌毫毛翻瑞雪，龍涎獸口裊祥煙。
傳聞北海樽中闊，欲借劉伶一醉眠。

七言四句

上太師十首

堯舜垂衣明日月
臯夔論道際風雲
須知天地生成德
問世真儒輔聖君

南北通和自古無
如今万里混車書
傳聞每遣皇華使
外國人爭問起居

德望巖巖巖魚目
泰山功成天地亦
清閑不須百丈塵
崖刻碑在農桑樂業間

西風原上卷黃雲
歸作人間雍裏春
拍手一樽歌既醉
閭閻俱是太平民

老農含笑指家丁
偃伯靈臺始見生
身手只今大如許
耳根不識鼓鼙聲

年年周孔道何多
誰為緇黃保不磨
却笑紛紛韓孟輩
空言無奈異端何

當年崧岳降申時
底事先春五日期
要是窮冬正冰雪
輪回和氣遍華夷

群生無路谷昇平
只有年年善頌聲
長願遙天無點翳
台星兩兩倍光明

下吏南州把郡符
深恩猶未放江湖
誕辰再拜無他祝
願獻蓬萊清淺圖

千古叢中見玉英
天教正味合和羹
羹枝頭春色無窮在
乞與年年薦壽觥

上樞密八首

五雲深處老人星
夜夜輝光照廣庭
已慶君王三萬壽
更符樞府數千齡

赤松端指住瀛州
來往塵寰不計秋
一任桑田變滄海
祇應長伴赤松遊

右赤松子

海上千年一度花
結成嘉實應朝霞
惟容曼倩三偷去
應送山中

樞相家

右蟠桃

霧鎖煙籠幾度春年年三秀不辭頻便甘採擷奉元伯豈獨三山

四老人

右紫芝

擢榦蟠根伴客神八千餘歲是為春由來等數知多少試問丹霞

洞裏人

右大椿

倚柯碧榦直參天冒雪凌霜晚更堅信道青青長不朽便同八壽

數千年

右長松

曳尾逍遙不計年會當千載即巢蓮從今不入元君夢長伴蓬萊

最上仙

右靈龜

徘徊長占偃松棲朝戲之田暮玉溪若問絲絲千歲壽故應端與

我公齊

右鶴

上丘郎中

暑令將收月漸圓胸山鍾秀為生賢雅知上界足官府聊向人間

作地仙

聊向人間作地仙少攀邳桂氣飄然柏臺蘭省翺翔遍三乞州麾

興自便

三乞州麾興自便建安風彩最喧傳政成又上甘泉計喜動龍顏

席屢蒸前

喜動龍顏席屢蒸前便應緩步玉堂駝上心猶顧南閩重暫遣輅車

下九天

暫遣輅車下九天歡遊竹馬競爭先問公重到成何事財阜刑清

德意宣

財阜刑清德意宣潢池赤子盡趨田休聲時到岩廊上寵就提封

領漕權

寵就提封領漕權榮兼眾職任尤專裕民足國根儒術應笑區區

筭用鞭

應笑區區筭用鞭公餘引興入詩篇珠璣照袖微哦罷環擁諸郎

對玉船

環擁諸郎對王船生朝樂事慶俱全紅桃碧藕堪爲壽捧勸新聲

更闢妍 捧勸新聲更闢妍我公歡喜浩無邊街恩下吏將何祝一炷深深

上袁運使十首

炎蒸已逐火雲斂爽氣方隨玉露灑不是真賢來問世爭教煩暑

變清涼 使節雲間擁星爛計臺地上見泉流光華勲業知何自感詠崧高

降甫侯 總計盛事借遠方高勳盟府要深藏明年今日歸清禁天語傳宣

勸壽觴 白叟黃童喜色開歡呼都運誕辰來滿城牽挽問街探祝壽明辰

薦幾盃 蟾魄駸駸圓月窟長庚擘擘降星躔不知入夢緣何事解使人間

見謫仙 發糴轉溝家厚德菘栢橫野何深恩當知仁者從來壽鶴等龜齡

不足論 厖眉相對講英猷盡說當年氣食牛六十重新開甲子八千從此

當春秋 鵬程九方翼方展桃實三千花正開再拜願伸難老頌仙風定合

繼蓬萊 瑞靄當年浮浙水歡謠今日滿閩川不知入郡人多少一口須添

一百年 父老偏怜最小官晚來爭借壽詩看般門盡說難揮斧句法丁寧

子細安 上丘運使十首 瑞應昌期岳孕靈定知仙韻出蓬瀛垂弧已射澄清志憫燕窩駝

啓沃聲

當生領袖見儒宮俗學紛紛一洗空多少執經懷槩者于今游泳
化陶中

懷香更直侍楓宸奏事嘗推蹇諤臣華少自信知符列宿從茲要路
是通津

五馬朝天寵眷榮復持金節按闐城邦人洗眼觀星使記得當時
騎竹迎

不勞黼座更臨軒就易星臺至擅漕權故部重歸旌節下新恩優渥
在中天

心計泉如地上流嘉謀碩畫冠中州襟懷別有安邦策莫以區區
國用求

累載仁恩在衆心世緣偏向此邦深一方雖慰去思志誰識敷天
望作霖

九重眷倚向來深消息新傳有召音子翼謾動河內借行看乘傳
去綬綬

閩嶠交馳拜賀章博山終夕瑞凝香皇華使節相輝映偏愛薰風
夏日長

一官牢落困塵容幸預洪爐造化中恩重丘山何以報祝公眉壽
等衡嵩

上傅太守 七首
十載江湖已濯纓扁舟直欲了平生南來千騎從民意強卷絲綸
作此行

火雲六月漲晴川一雨誰知刺史天聞道村村盡高廩逢人泥飲
說豐年

曉景臃臃愛日升更將和氣逼嚴凝邦人莫說憂襦袴樵水冬來
不復冰

紛紛桃李競韶光怪底寒松獨老蒼回首霜天搖落盡却須此物
薦明堂

俗學何曾辨坎离晴窗聊作五禽嬉餐霞辟穀空多事淡泊能令

日月達

家在壺山向背中
粉榆雖近苦西東
一官牢落今如許
慚愧膺門識孔融

南州十月見寒桃
万瓦霜清氣自高
不用西行問金母
便應持此薦香醪

上太守十首

仙遊舍人聲建中
正論久矣排群雄
李子專誠今有耀
皇天兩耳元非聾

鶴髮仙人年德尊
大賢之後更多聞
風流異日窺前輩
論議班班總不群

當年膺仕早標纓
不共兒曹校疾行
居易獨能遵坦路
未妨七十到名鄉

十年澤國之吳瓶
袖有新研試未嘗
聊把一麾施老手
便教千里作津梁

教令孚民一歲期
只將平易撫澆漓
朝廷若用循良課
喚取樵川老吏師

桃花綵綬儼仙衣
寶帶垂金腹十圍
五馬人生真可貴
更欣桑梓共分輝

精藏烟貝氣藏神
笑語溫然與物春
面骨如拳攬兩耳
此公壽相等銅人

堂前三鳳戲班衣
堂下三槐擢秀枝
一歲倦遊歸綠野
紫華鼎鼎看吾兒

寧武堂中白日長
公庭訟息炷爐香
禪床不作娥眉夢
一枕清風到壽鄉

秋入東籬破曉霜
黃花不肯媚重陽
花神愛惜緣何事
要向今朝薦壽觴

上蔡倅八首

鐵面霜髯氣象雄
功名自奮額邊紅
玉關虎帳他年事
凜凜人言

有祖風

合上清雲却佐州才稱霹靂用非伴朝廷若問三年課看取金錢
地上流
不愛官閑笑吏偷坐曹終日司牙筆詩抱書假寐前賢事况省文書
夜未休

青銅妍媸不可掩白璧瑕玷難為容何並從來惟有律門前車馬
任憧憧

吏輩難禁疾惡風向來囊橐技皆窮食葱三斗渾閑事只怕生逢
厄突通

難兄要路穩加鞭時有新詩寄阿連報國薦賢休遠取好來喚起
共朝天

江山舉目感殊方未挫平生鐵石腸盡把才豪駭筆下滿編雄健
拉風檣

好詩不為俗人裁今日吟邊來來來賸綴千篇盈篋寄司一年一詠
薦金杯

上高倅 三首

露眼元晴金作衣等閑一舉集華池來棲蓮葉知千歲引頸長江
自有時

洞中百葉總千葩中有蟠桃實可誇虔把蟠桃來祝壽二千纔是
一番花

崧山當日已生申上有羲皇世大椿虔把大椿來祝壽八千纔是
一番春

上嚴州太守

嚴瀨灘聲寒漱玉烏龍山色翠摩空願將二物為公壽山不顧兮
水不窮

皇朝文獻通考卷第...

卷第...

Blank columns for text in a traditional Chinese book layout.